

El 28 de xunu Día Internacional del Arguyu LGTBI+ conmemórase la diversidá sexual, afectivo y de xéneru

El 28 de Xunu, Día Internacional del Arguyu LGTBI+, celébrase mundialmente en conmemoración de la griesca de Stonewall de 1969, p'afitar el sentimientu d'arguyu de les persones coles orientaciones sexuales y identidaes de xéneru marxinaes y reprimíes, y pa visibilizar la so presencia na sociedá y les sos reivindicaciones.

Na defensa de derechos y llibertades de los colectivos LGTBI+, na llucha escontra la LGTBI-fobia y nel reconocimientu de les diversidades sexuales y de xéneru.

En más d'un terciu de los países del mundu, les rellaciones amoroses consensuaes ente persones del mesmu sexu son consideraes delitu, lo que desaxera prexucios y espón a millones de persones a ser chantaxeaes, deteníes o encarcelaes. En munchos casos, la falta de proteición xurídica curiosa, xunto coles actitudes a la escontra de la población, lleven a una discriminación xeneralizada escontra les persones **LGTBI+**, que se traduz nel despidu del puestu de trabayu, l'acosu a estudiantes y la so espulsión de los centros d'enseñu y la negación de servicios de salú esenciales.

Dellos informes d'ACNUR rellaten les violencies, detenciones y tortures, y la necesidá de proteición internacional como persones refuxaes, con accesu a tolos derechos sociales, salú, educación, etc.

Anque nel estáu español avánzase en derechos democráticos pa les persones LGTBI+), nos aspectos políticu, social, educativu, sanitariu, etc., queda mucho por facer. Trátase d'unos derechos que son frutu de munchos años de lluches y que tienen que defendese día a día y dende tolos ámbitos, siguiendo'l filu rosa de les persones LGTBI+ que nel 1969 lideraron la revuelta de Stonewall fartes de represión policial y de la esclusión social que sufríen.

Les lleis que se llexislaron y promulgaron conxúrense como ferramientes clave p'adoptar aiciones positives que faciliten la vida y el desendolcu personal y profesional de les persones LGTBI+ ensin tener que renunciar a la so identidá, ensin escondese p'acceder al emplegu, poder formase o promocionar y solicitar los beneficios sociales esistentes na empresa.

Pero l'aprobación de les lleis nun ye abondo. Pa que les lleis seyan eficaces ye necesario aplicaes, llevalas a efeutu, lo que se traduz en conoceles, teneles presentes na vida diaria pa poder facer frente a actitudes, aiciones o comportamientos LGTBIfóbicos de forma que nun atopen sitiú en nenguna esfera de la vida.

La realidá llámanos, nun ye posible escaecer que los ataques de quien vien poniendo pilancos al avance de los derechos LGTBI+ nel estáu español tán tornándose más duros y violentos agospiándose nel rumor y la mentira. **Sobre manera, agora que tamos viendo como avancen la derecha y la ultraderecha non solo nel nuestro país, onde amenacen con llevar la so LGTBIfobia al gobiernu de les instituciones, sinón tamién nel ámbitu internacional.**

En tol mundu tán entamándose movilizaciones y aiciones dende la sociedá civil pa visibilizar violaciones graves de derechos humanos¹ de les persones LGTBI+, visibilizar la impunidá y facer un llamáu a los estaos na so obligación d'impartir xusticia y reparación llibre de discriminación.

¹ Nesti sentíu, sorráyense dos resoluciones históriques del Consejo de Derechos Humanos de Naciones Unidas sobre'l tema de los "Derechos Humanos, Orientación Sexual e Identidad de Género". En xunu de 2011, los Estaos al traviés del Consejo adoptaron por primera vez un documentu* que facía referencia explícita a les violaciones a los derechos humanos con base na orientación sexual y identidá de xéneru y a la obligación estatal de protexer, preservar y restablecer estos derechos al ser vulneraos. En setiembre de 2014, los Estaos aprobaron una segunda resolución** que constitúi una importante plataforma d'aición pa la llucha escontra la violencia y la discriminación basada na orientación sexual y identidá de xéneru de los individuos.

Entrepueblos-Entrepobles-Entrepobos-Herriarte siempre se comprometió, especialmente, col trabayu de les nuestres organizaciones feministes aliaes nos diferentes países d'ABI AYALA ², que nel so día a día encaren la impunidad nos casos de discriminación y violencia por orientación sexual y de xéneru qu'afeuta a la población LGBTI+, exerciendo'l so derechu a la xusticia y la reparación, asina como disminuir l'arbitrariedá qu'acompaña a les sos denuncies.

Entrepueblos-Entrepobles-Entrepobos-Herriarte reivindicamos unos derechos LGBTI+ que tienen que facer un llamáu al conxuntu de la sociedá, pa que s'exerzan y se defiendan de manera colectiva.

Unos derechos humanos pa les persones LGBTI+ que dende las instituciones públiques y multilaterales tienen que se preservar a partir del desendolcu de polítiques públiques que garanticen que la orientación sexual y la identidá de xéneru nun condicionen la vida de les persones nuna sociedá binaria y heteronormativa, que davezu esclúi la diversidá sexual y de xéneru, y ataca los derechos de les persones LGBTI+.

Munches persones viven na intersección d'una bayura de formes de discriminación, les persones LGBTI+ pueden sufrir discriminación por motivos d'identidá de xéneru u orientación sexual, y opresión pol so orixe racial, clase, casta, relixón, etnia, (dis)capacidá o edá. Pa lluchar escontra los sistemas qu'oprimen a les persones LGBTI+, hemos desmontar tolos sistemas d'opresión, ente ellos, el racismo, el capacitismu, el sexismu, la xenofobia... o'l clasismu.

Prestaríanos celebrar el 28 de xunu "L'Arguyu" d'una sociedá diversa, plural, xenerosa, acoyedora, que reclama la equidá llegal real y que quier vivir de forma llibre y plena con independencia de cuál seya la so diversidá afectivu-sexual o la so diversidá familiar. Una sociedá xunía que planta cara a les polítiques reaccionaries y quier vivir la so vida ensin mieu.

Entrepueblos-Entrepobles-Entrepobos-Herriarte damos sofitu a los activismos LGBTI+ qu'entamen movilizaciones y aiciones pa:

— Pidir al Gobiernu del Estáu español que considere de manera urxente'l derechu d'agospiu y la proteición de les persones LGBTI+ que s'atopen en situación de vulnerabilidá nos países d'orixe y d'aquelles que nun pudieron regularizar la so situación alministrativa.

— Siguir avanzando na formación específica del profesóru en materia de diversidá y de la realidá LGBTI+, tamién nel ámbitu de la educación física y la práutica deportiva, pa favorecer la creación d'espacios seguros y de confianza pal alumnáu LGBTI+.

-- Facer frente a les campañas de desinformación y discursu d'odiu que promueven seutores conservadores y fundamentalistes del nuestro país y que provoquen violencies, acosos, fobies escontra les persones LGBTI+.

— Meyorar l'accesu a un sistema de salú integral, igualitariu y xustu para toles persones, independientemente de cuál seya'l so xéneru, identidá u orientación sexual.

Vamos construyir xuntes una sociedá que, como reivindiquen los feminismos, ponga la vida y los cuidaos nel centru. Una sociedá antipatriarcal, antirracista, anticolonial, y llibre de LGBTI-fobia. Una sociedá llibre de tou tipu d'opresiones, respetuosa cola diversidá, que reconozca derechos, pa poder vivir en llibertá. Queremos tar cola xente qu'en tol mundu trabaya incansablemente para facer d'esti planeta un llugar meyor.

¡LOS DERECHOS LGBTI+ SON DERECHOS HUMANOS!

¡SISTEMES DE PROTEIÇÃO INTERNACIONAL PA PERSONES LGBTI+!

¡DERECHU A UNA VIDA DIGNA QUE MEREZA SER VIVIDA, ENSIN DEXAR A NAIDE ATRÁS!

² Acordies colos nuestros valores de cooperación y solidaridá internacionalista **como ye'l casu de la organización feminista peruana DEMUS** [DEMUS – Estudio para la Defensa de los Derechos de la Mujer](#) con Justicia Arcolris.